



PRESS SECRETARIAT

MINISTRY OF THE PRIME MINISTER & CABINET

Apia, Samoa

Telephone : (685) 63222 ext 746, 747, 748, (685) 24799, (685) 26397

Fax : (685) 26322 Email: presssecretariat@samoa.ws

Press Release

7 March 2008

1. Valaaulia Lana Afioga Mamalu i le Ao o le Malo.

Ua faamaonia e le Kapeneta le auai atu o lana Afioga Mamalu i le Ao o le Malo, Afioga Tuiatua Tupua Tamasese Efi, e tali i lona valaaulia i le Tatalaina o le Faculty of Arts Maori and Pacific Leadership Programme 2008 i Niu Sila, Aso Lua 11 Mati 2008.

O le aumalaga a lana Afioga Mamalu e aofia ai le Afioga i le Masiofo, o le Leoleo Faafeao faapea ma le Pule Lagolago o le Matagaluega a le Palemia.

2. Fono Lona 24 Mataupu Tau Felauaiga ma Fesootaiga tau Meli La'upasese.

Ua faamaonia e le Kapeneta le auai o le Pule Sili o Pulega o Uafu ma Taulaga a Samoa, Afioga Toleafoa Elon Betham, i le Fono Faaletausaga Lona 24 o Mataupu tau Fesootaiga tau Meli La'upasese e fai i le Iunaite Setete, aso 10 – 13 Mati, 2008.

E 6,000 sui mai atunuu eseese o le lalolagi ma le 102 Kamupani o vaa la'upasese eseese e auai i lenei fono. O le a faalauiloa ma fefaasoa'i i lenei fono ni metotia mo le atiina ae o auaunaga talafeagai atoa ma le saogalemu o taulaga, vaa la'upasese faapea ma tagata tafafao.

Faatoa auai Samoa i lenei fono i le tausaga e 2007, ma ua telē le suiga talu mai ona auai Samoa i lenei fono. Ua faateleina Meli La'upasese ua afe mai i Samoa, ma o le tele o ia Meli o le taimi muamua lea ua afea ai Samoa. Ua maea foi ona pasia e le Kapeneta le faatuina o le faalapotopotoga e taua o le, "Samoa Seacruise Travel Working Group Association".

3. Polokalame Aso Faapitoa mo Tina ma Tamaitai o le lalolagi.

Ua faamaonia e le Kapeneta le polokalame faataatia ma lona faatupeina mo le faailogaina o le Aso Faapitoa mo Tina ma Tamaitai o le Lalolagi, 2008.

O le Aso Faapitoa mo Tina ma Tamaitai o le Lalolagi, e faailoga lava i tausaga uma, ma o le a faailogaina i le aso 8 o Mati i lenei tausaga.

Ua fuafuaina mo lenei tausaga ni Polokalame Faasalalau i le TV po o ata pupuu (spots) e faailoa ai le ogaoga o le faaaitaui o le sauaina o tina ma tamaitai.

O le sini o lenei tausaga: **“O le faatupeina o fuafuaga mo le Tafieseaa o sauaga faasaga i Tina ma Tamaitai, o se tasi lea o auala e ausia ai faamanuiaga mo tagata uma.”**

4. Valaaulia Faaaloalo Malo Amerika Samoa.

Ua talia e le Kapeneta le Valaau Faaaloalo mai le Malo o Amerika Samoa mo Lana Afioga Mamalu i le Ao o le Malo, Afioga Tuiatua Tupua Tamasese Efi, e fai ma Malo Faaaloaloga mo le faamanatuina o le Fu’a a Amerika Samoa e faia i le aso 17 Aperila, 2008.

O loo valaaulia foi le Afioga i le Palemia, Susuga Tuilaepa Sailele Malielegaoi, faapea afioaga o Salailua ma Matautu – Falelatai, atoa ma le Faili Pu a Malu o le Malo.

5. Faaaliga tau Turisi ITB 2008.

O loo i ai nei i Siamani le Afioga Sala Pio Tagiilima o le Pulega o Tagata Tafafao Maimoa i le Faaaliga tau Turisi e taua o le International Trade Berlin (ITB), e faaiuina i le aso 9 Mati 2008.

Ua manatu le Pulega ina ia faaauau pea ona auai sui mai Samoa i lea faaaliga e faia i tausaga taitasi, ona o le taua tele o maketi o Europa mo Tagata Tafafao Maimoa mai Europa i Samoa. E taua tele le faalauiloaina o Samoa atoa ma isi atunuu o le Pasefika i lea faaaliga. O le faanaunauga, ina ia siitia le numera o turisi mai Europa e asiasi mai i Samoa nei.

Government Press Secretariat.